

INUIT ATAQATIGIIT

INATSISARTUNI



Nuuk, 14. juni 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqar-punga.

(Inatsisartuni ilaasortaq Naaja H. Nathanielsen, Inuit Ataqtigiiit)

Apeqqutit:

- 1) Naligiissitaanermut Naalakkersuisoq oqaaseqarpoq ullumikkut Nammi-nersorlutik Oqartussat ingerlatseqatigiiffiini "naapertuuttumik suaas-sutsit tamarmik peqataatinneqartut", taamatullu oqarneq itisileqquara. Taamatuttaaq "naapertuutinnigitsumik peqataatitsineq" Naligiissitaaner-mut Naalakkersuisup qanoq paasineraa paaserusuppara.
- 2) Naalakkersuisut EM 2011-mi imm. 19-ip piviusunngortinnissaanut piler-saaruteqarnerlutik? Tassani Naalakkersuisut siulersuisunut, sinniisoqar-finnut imaluunniit aqutseqatigiinnut assigisaannullu ilaasortanik toqqaa-nerminni suaassutsit amerlaqatigiinnik peqataatinneqarnissaat qulak-keerneqartussaavoq.
- 3) Naalakkersuisut EM 2010-mi imm. 37-ip piviusunngortinnissaanut piler-saaruteqarnerlutik? Tassani angutit arnallu persuttaasartut katsorsar-neqarnissamik neqeroorfigineqarnissaat pineqarpoq.

Tunngavilersuut:

Nunami unammillernartorpassuaqarfiusumi naligiissitaanermut apeqqut naleqquppallaan-ngitsutut misinnarsinnaagaluarpoq. Taamaattorli nuna annertunerujartortumik aaliangiisin-naassuseqarusuttoq naligiinnermillu annerusumik kissaateqartoq naligiissitaanermut sulia-mik pingaartitsilluinnartariaqarpoq.

Qinigaaffimmi kingullermi Inatsisartuni naligiissitaanermut tunngasutigut siunnersuuter-paaluit tapersorsorneqaatigivakka. Tamakkuli martsimi qinersinerup tungaanut inatsisi-liunneqarnissaat angumerineqanngillat. Ilisimavara qinersinissap nalunaarutigineqarnerani siunnersuutitut qulaani taaneqartunut inatsisissatut siunnersuusiat marluk piareersima-galuartut. Naalakkersuisut suliamik tamatuminnga siunnersuutillu taakkua piviusunngor-tinneqarnissaannut ingerlatitseqqiuumaartut neriuutigivara.

Apeqqutit tamakkerlutik ullut qulit qaangiutinnginnerini akineqarnissaat qinnutigivara.